

der muß wiffē die natur der zeýt im iar / vnd wýe er im
yegklicher zeýt lebē sol / darumb sagt dise lex zú dē erste
von dē vier teilen des iars / vō dē Lengen / dem Sūmer
dem Herbst vñ von dē winter / vnd auch vō dē zwelff
monaten / vnd von den vier cōplexen do eyn yegklich
mensch von natur zú samen gesetzt ist . das ein mensch
sein leben darnach künne regyren . ¶ Das ander teyl
sagt wie sich der mensch mit essen vñ mit trincē / sch-
lassen vñ wachen aderlassen vñ arzneyen halten sūll
Das dritt teil sagt von der pestilenz / das ist so die mē-
schen an den trüsen od platen ser sterben .

¶ Von dem Lengen .

Vier zeýt seyn im dē iar die du mercken solt Die
erst ist d lenz der hebt sich an an sant Peters
tag vor vashnacht / vnd enndet sich an sant
Orbans tag / dieselb zeýt ist heysß vnd feücht von natur
vñ geliehet sich dem luft / in der selben zeýt wechset dz
plüt dz auch feücht vñ haiß ist als er genaturt ist . dar-
umb alles das feücht vñ haiß ist dz ist güt in diser zeýt
hüner vñ lampfleisch vñ güter weyn vñ aýer die sind
gesund sunder in diser zeýt / Durch das gang iar ist nit
pesser arzneyen vñ aderlassen den dise zeýt / wann sy
bringt alles das wider das durch das gang iar versch-
wunden ist .

¶ Sūmer .

¶ Dýe annder zeýt des iares ist der Summer / der ist
haýß vnd auch trucken / zú der selbigen zeit wechset die

colera/das ist das schwarz plüt vnd geleichet sich dem
feur das auch hayß vnd trucken ist/ Vnd der colericus
sol sich hüten vor allē dē das do truckē ist/ wann dz ist
im den schädlich/ Was kalt vñ feucht ist das ist güt in
dise zeyt vor aller hand erzney/ vñ vor lassē sol man
sich hüten bey namē in dē augsten / man sol selten padē
vñ sol sich ser hütē vor über essē vñ vor über trinkē vñ
die zeit hebt sich an an sant verbans tag vnd weret piß
Bartholomei.

Herbst

Die dritt zeyt ist der herbste der ist kalt vnd tru-
ckē/do wechset in ein feuchtikeyt die heist me-
laneolia die ist auch kalt vñ trucken/ vñ gelei-
chet sich der erdē. zu der selhen zeyt sol man gütē wein
trinkē/vñ essē kost die do heisser natur sey. wenig sol
man zu ader lassen/ saur tranck sol man nit trinkē wer
gesund wöll sein der solt in dem herbste nit mer den ein-
mal des tages essen / vnd die zeyt hebet sich an an sant
Bartholomeus tag vñ weret piß auf sāt clemētē tag

Vou dem Winter.

Die vierd zeyt ist der winter d ist kalt vnd feü-
cht vñ geleycht sich dē wass vñ wechset die
feuchtikeit darinn in dem menschen die heist
flegma. in der zeit seyn heisse ding güt vñ trucken/ vnd
alles das gepfeffert ist vnd gewürzt dz ist güt so mag
man mer essen den in dem sumer vñ auch trinkē / der
magen ist der aller heysseste vnd die deüüg aller pestē
So sind die vögel vnd wilpret zeitig/ Ist sem dann not

so mag man trinckē vñ arzneij nemen. Vnd zu dē adn
lassen dē den lassens not ist/ vnd die zeit hebt sich an an
sant clemēs tag vñ weret piß an sant peters tag.

¶ Von den zwelff monaten vnd
wie man sich darjn halten sülle.

Der aller weisest meister yppocras der gab die
se ler von dē zwelff monaten in einē land do
er innen was. Nu hat sy ein meister also ge-
schriben das man sich in allen landē wol darnach mag
richten wie man sich in einem yeglichē monat sol hal-
ten das man sich vor siechtum behüt en kürme vnd ge-
suntheyt gewymme des leibs.

¶ Von dem Febrer.

In dem monat Januario/d mon heist iar mö-
at / in dē sol mā nüchter trinckē ein trück güc
weins. mā sol nit zu aderlassē es sey dēn not
sol laß mā ein wenig an d haubt adern Saure träck sol
mā nit nemē / mā sol nit mittelspeiß esse die weder zu
kalt noch zu hayß ist. mā sol selten padē. yngber/ poleij
ylopp vñ fenchel mit wein temperiert vñ dz genossen
dz ist gut in diser zeit vñ reiniget die prust. negelin/ zit
war / galgā vñ yngber die sind gemalē gut in dē wein
od on wein genüzt dz ist gut in diser zeit

¶ Von dem Hornung

In dem Hornung sol man zu ader lassen vnd tranck
nemen / das ist wenn es not ist. vnd wein ist gut ge-
truncken/ offft sol mā padē in schweißpaden. Vormät

vnd vor pier sol man sich hütendz man des nicht zū vil
trinkē wān sy seyn vngesunt in disem monat / wein ist
gesunt in dē monat vñ bekūmenlich zū trinkē. Saure
kost ist dē gesund. hōmig solt du niessen wamit du wilt
wān es reiniget die prust vñ die plafen.

Von dem Merzen.

In dē merzē sol mā nit zū ader lassē noch trā-
nck nemē. in dē merzē sol mā retich essē vnd
in schwaishpadē sol mā oft paden / durch d ye
hirn feucht sol man messiglich trinkē. wein ist gesunt
vñ ymber ist gūt zū essen vñ gesunt. dem tranck sol sein
rautē / lūbstückel / salua / pfeffer vñ ymber solt du trinkē
en in dē merzen so belest du gesunt.

Von dem Aprillen.

In dē Aprillē sol mā lassen zū adern welchen
endē es dē leib gūt ist do solt du lassē. on allei
an d lung adern die sol niemāt lassē rūrē der
meies rates volgē wil / wer es darüber tūt d wirt des
gewar dz es im nit wol kōmt. Vō der medianē sol mā
lassē das ist in disem monat vil nūglich vnd bekūmen-
lich. Paden sol man oft / gepraten fleisch sol man gar
geren essen in dem Aprillen. Allerley hand iunge fle-
isch ist gesunt. on allem iunge vārlin. Saur getranck
vñ fūrbung sol man nemē vnd arzney sol man pleggē
dem sein not ist. zū der zeyt bekōmt sy gar wol. Mā sol
auch messiglichen trinkē. Man sol schreppen vñ mit
kōpfen lassen wider das kragen waim des menschen
plūt wechset in diser zeyt. Rauten vnd fenchelsamen

patonien vnd bibenell mit hönig temperiert oder mit
wein gesoten sol man nüchter niessē durch den magen
vñ durch dē leib allen wān dz ist gar nütz vnd gar heil-
sam zū der zeýt.

¶ Von dem Mayen

In dē mayē sol man lassē zū adern an welchē
ernde es not ist an dē leib / Es ist allermeyst
nütz dz mā laß an dē paimen durch dz das sich
dz plüt sentet zū tal in d̄ zeýt vñ samlet sich in die paim
Mā sol sich auch ser hütē vor pōsem fleisch vñ vor pōsē
vischē / mā sol mit vil weins trinckē / mā sol zū rechter
zeýt essen. alle pade die sind dem leib güt vñ besunder
wurcz pade / man sol mit zürnē wam dauon würt d̄ ye
vergicht / man sol nemen lautern wein vñ gayß milch
vñ sol das haubt damit bestreichen vnd die prust dz ist
gar gesunt / saure tranck sol man nemē vñ arzney pfl-
egen der ir bedarff. zügen milch ist dēn gesunt. heilsam
vnd bekūmenlich zū nützen vñ nüchter zū trinckē. wer-
müt od menie / garb / patomie / bibenell / venchel / lūbstück
poley vñ yfopp die sol man nützen dz ist güt das mā die
siede vñ trinckē / an der haubt ader solt du lassen so rīm-
gert sich dz haubt vnd dz plüt des nachtes sol mā wol
gedeckē sein vnd warm gebē dem hertzē.

¶ Von dem Prachmon

In dē junio dz ist der prachmonat mag mā
wol ader lassē wem sei not ist. mā mag auch
in disē monat wol arzney pflēgē die dē leütē

vñ dē vich gar nütze ist/vñ ist güt dz mā vor dē augstē
dē leib helff. Mā sol sich hütē dz mā kein milch eh sy sey
den gar güt vñ wol gesottē. Käsh sol mā in dzeit we-
nig esse wān ez ist vngesunt. In disē monat sol mā sich
hütē vor neuē obs dz mā es mit eh. isē dz mā obs isset so
sol mā zehand gütē wein darauf trinctē so schat es mit
Eperw samē mit pfeffer gemenget sol mā nüchter nie-
ssen dz ist güt vñ gesunt Vor iungē pierē sol mā sich hū-
ten wān dz bekōmt in disem monat mit wol vñ ist sch-
edlich. mā sol zū dzeit frū an passē. in disem monat sol
mā auch lauten wein trinctē dz ist dēn vil bekūmēlich
wein mit aland vñ mit lorbern gewermet ist gesunt
zū trincten dz saubert die prust vñ den magen. Mā sol
auch in disem monat frū aufstēen vñ zū mittag ein we-
nig schlaffen. man sol in kaltē wasser dick padē. Dein
tranck sol in disem monat sein patomen / salua / sambo-
bin vñ zitt war von dē solt du trincten wilt du gesunt
beleben.

Von dem heūmonat.

In dem julio das ist der heūmonat dz d aug-
stmonat ist/so heben sich an die tag in dē sich
ein ieglich mensch hütē sol wān die tag sind
angstlichen das man sy nemet in d geschriff die hun-
des tag also sorglich ist d ye zeit in disen tagen. Man
sol mit zū ader lassen noch tranck nemen/wann es wer
vil vngewärllich/würde zū der zeit der magen vnd dz
hiren. die leber oder die lung. oder das milcz mit keimer

ley d̄ing beweget als gar sergklichē ist es in disem mo-
nat. so würde villēicht dem herzen vnd auch dem gan-
gen leyb so enge das der mensche ersticken müste. vnd
gächs todes ersterben. darumb sol man nicht getranck
nemen noch nicht lassen dann nür in den padē mit kö-
pffen dem das not ist. In sensten paden mag man wol
nüchter paden. Man sol in disen zweyen monaten gar
wenig weins trincken durch die dürre des magens vñ
der lebern. Kalt wasser sol man trincken nüchter alle
tag in disem monat wider die colera das man die ver-
treih. Vnd aller schlacht d̄ing das do grün ist das sol
man zū diser zeit dick ansehen das ist güt zū dem haubt
vnd zū den augen. Grüne varb ist alle zeit güt vñ ge-
sundt den augen. dar zū geschwär sol man verreiben
in disem monat mit güter salben. In zymet in dem iare
komet es also geren als in disem monat. Kautensafft
vnd ysopen safft. vnd eppē safft sol man mit hönig mü-
schen vnd sol den hals vnd die kelen damit bestreichen
das ist gar güt. In kerner weiß sol man die geschwär
vnd die trüsen in disen zweyen monat aufstecken. als
lieb im sem leyb vnd leben sey. In aller mah sol mā sich
hüten in disen monaten. vnd aller meist vor pösen vi-
schen d̄ye in pfüczigen vnd faulen wassern gefangen
sind. an den isser man schier den tod. In disen monaten
sol man kōle vnd latich vnd papel nicht essen. wann sy
haben ayter vnd vergifft in in zū diser zeit. Es ist auch
güt das man in disen zweyen monaten dick esse. salua
Knoblauch vnd rohen speck das ist nütz vñ gesunt. mā

sol auch wenig paden in disen monate. Item auch rau-
ten/tillen/gamandriam/saluey/poley/venchelsamē vn̄
lūbstück samē/liechte/benedicte oder menie. vnd solt
die mischen mit gūten wūrczen die mit zū haÿß sind. vn̄
mit süßem holz vn̄ mit eniß. mit zuckez gemischet vn̄
getemperieret. vn̄ solt ein puluer oder ein latwerig da-
von machen vnd solt das oft nützen so werest du dich
wider die grossen hÿze die in disen monaten ist. vn̄ pist
behütt vor aller hād vngesüchtzeit des leibs. vn̄ vor
siechtum die dir widerfaren möchten in diser zeit.

Der ander Augstmon.

In dem andern augstmonat sol mā nicht ader
lassen vn̄ auch kein tranck nemen. mā sol sich
vor über essen vnd trincken ser hüten vn̄ vor
newem obs. Man sol rosenwasser vnd paumöl vnd de
taw in ein glas vahn vnd sol das zū samē mengen
vn̄ sol dÿe prust damit bestreychen das ist gūt zū dÿser
zeit. man sol auch oft in kaltem wasser paden durch
die grossen hiez/ wann hütet man sich mit vor der hÿz
so erwallet sich das hÿren das der mensch vill leicht mö
cht haubt siech werden. Poley/Kauten/Venchel. Epe
Ysopen samē/Lotber / Alant vnd thū darzū paumöle
Vnd das sol man alles mit hönig durch einander tem-
perieren. vnd sol auch den gangen leib damit schmiren
vnd bestreychen. Vnd das selbig bestreychen ist gesunt

für allerley vngemach. vor neuem met vñ neuem pierē
solt du dich hütē Cīmamom solt du in disem monat oft
nützen kalte dīng die von kalter natur seyn die sind in
disem monat gūt zū esse. als latich vnd pfedem trīckē
solt du / oder menie. benedicte / poleo / vñ weypreyde. dz
wiß fürwar dz die zū diser zeyt gar heylsam sind.

¶ Der erst herbstmon.

In dē ersten herbstmon mag man wol eimen
ieglichē mensch mit aller schlechē erzney
helffē. wān aller frucht wurczē vñ samē vñ
allerley dīng zeytig sind wes mā zū arzney über iar be
darff dz sol vñ muß mā aller meist in disem monat vñ
in dē mayē gewōnen. waz in dē mayē an erzney ver
saumet ist des mag mā sich in disem monat erholē od
erfüllē. trīckē solt du in disem monat / tostē / mala gra
nat od menie / ziger milch solt du niessē die meret dir dz
plūt vñ gewinnest ein gūt varb.

¶ Der ander herbstmon.

Und in octobri in dem andern herbstmonat ist
gūt das man zū ader lasse vñ getranck neme
der seim bedarff. Man sol aber bewaren das
man nicht zū vngesüglich der neuē frucht niessē. pōß
obs vnd ander dīng / wann dauō vñ vñ plose zū
pricht vñ das hīzen also geseret würt das der mensche
würdt gar leycht siech das er es nymet mer überwūnde
Weinber die seyn dem zeytig zū niessen / vnd most zū
trīcken / wann danon würt d leib weyß / Merretich

vnd bibenell ist gesunt. Senff nütz in aller hand speyse
vogel vnd wilpret ist zeytig vnd gesunt/ negelin vnd
zymerind ist gut zu nützen.

Der erst wintermon.

Nouember ist der erst wintermonat darjñe sol
ein ieglichs mensch seines leibs pflegē mit ac
zney / mit lassē / mit getranck nemē wer sey
bedarff wān ein ieglich mensch sol sich den warm hal
ten gegē dē frost vñ der keltē die dē krankē leutē gar
schedlich ist. Lassen mag man zu der adern an welchen
emde es dē mensche not ist. Zygē milch ist den gut zu
niessen vnd gesunt wān dauon meret sich dz plüt vnd
macht dē leib gar wol gefar vnd gesunt. vñ dz antlig
schön. wenig vñ seltē solt du padē warm in disem mo
nat solt du sthwaisspad meidē. In keinē monat durch
dz gang iar ist paden als vngesunt als in disem monat
Trinckē solt du cimamomum. yngber vnd garbe dz sol
deim dem tranck seim daran vñdest du dānge suntheit
ob du die trinckest stettigs in disem monat.

Der ander wintermō.

December ist der ander wintermonat daz dān
der legt monat ist in dē iar. darjñ sol mā mit
zu adlassen wān der mensch in disem monat
aller mōnst plütes hat / mōnder dam in keinē monat
durch dz gang iar. darüb ist es mit gut dz man darjñ
lasse zu der adern. Ist seim aber not dz man seim mit en
pern mag so sol man wenig plütes lassen. vnd an der
haubt adern ist es aller bekümenlichst vnd nüzlichst

Das man ein wenig plütes dauon lasse Köl sol man in
ditem monat nit messen wān sy haben in der reyt ver-
giff in in vñ ist vil schendlich als in de augstē Darumb
d̄ der mensch in diser zeit ist on plüt vñ d̄ er sem we-
nig hat durch das sol man in disem monat nyessē ym-
ber / galgan zitt wer mustat / per tram. vñ mustat plüm
en / cardomomē. negelm / cubeben / imamomum vñ an-
der gut würtz. Man sol essen gepfeffert vnd gewürtzt
speise / mustat sol man oft niessē wān die gibt gute ge-
schmack vñ krefftiget das plüt vñ d̄ hetz vñ allē leib
das thun auch mustat plümē. dem tranck sol sem in dis-
sem monat spicabertrā / ymber vñ sambam vñ and gut
wurtzen die ich dauor genant hab / neüssfest oder trinck
est du sy in disem monat so gewinnest du gesuntheit an
allem demem leib. wer dise ler fleysßiglich behelt vñ ir
volgt der vermeidet siechtum vñ hat ymer die weil er
lebt gesundē leib vñ lebt vil dester lenger. Es ist zu wi-
ssen als in einē ieglichen monat geschriben ist vō einē
tranck / das ist zu versteen das man da nüchtern in ieg-
lichem monat als oft man wil in suppen weysß nyessē
sol

¶ Wo von der mensch geschaffen sey.

in pe
feucht
wass
eigentlich
ander der
schwar und
falt feicht
raum und fide
der mensch ha
als man vernach
funde. vñ von d
sch wischen v
me ist nach dem
er den me
glich dem hee
wolltes me so
gelochte dem
lustes me so
leich dem Le
leures me so
natur und w
plexion v
erster vo
da die solt

En yeglicher mensch ist geschaffen von vyer
feuchtikeyt der element. das ist von erde/ vō
wasser/ vō feür/ vñ von luft. vñ von de hat
ein yeglicher mensch besunder varb/ gestalt vnd siten
einer anders dem der ander. Von der erden ist d mē-
sch schwarz vnd trucken. Von dem wasser ist der mensch
kalt. feucht vñ weiß. Von dem luft ist der mensch
warm vnd feucht vnd rot vnd schön. Von dem feür
ist der mensch hayß vnd trucker vnd ist prauner varb
als man hernach geschriben vmdet in yeglichem be-
sunder. vñ von den vier elementē ist ein yeglicher mē-
sch beschaffen. vnd welchs vnder den an dem mensche
mer ist nach dem würt der mensch genaturt. Also/ hat
er der erden mer so würt er ein melancolicus vñ würt
gleich dem herbst vnd der erden natur hat er aber des
wassers mer so würt er genant flegmaticus vnd würt
geglichen dem winter vñ wassers natur. hat er des
luftes mer so würt er ein sanguineus vnd würdt ge-
leich dem Lengen vnd ist des luftes natur. hat er des
feüres mer so ist er ein colericus vnd ist gesitt nach der
natur vnd würt gleichet dem summer. Von den vyer
complexion von eygensthafften solt du mercken. **Z**u
dem ersten von der edeln sang wimea bey welche zeych
en du die solt erkennen/ vñ darnach die andern.

Von der edelen Sanguinea.

In sang wimeus als vns schreybt Aristoteles
ist ein mensch geschaffē vō dē vier elementen
da des luftes natur mer ist dēn des menschen
natur/ vñ ist warm vñ feücht/ vnd würt geleicht dem
luft vñ lenczen. vñ ist d'ye edelst vnd allen complexen
der mēsch d' der selbē natur ist der ist vō natur dz er lieb
hat vñ lieb würt gehabt. Er ist milz zū erlichen dīngen
er ist frölich zimlich. er ist weiß vñ klüg auf erber sachē
Er hat rote schöne farb vñ singt wol/ vñ ist leibig vñ
vaist nit zū vil vñ ist kün vñ mütig zū gütē dīngē/ vnd
ist gütig vñ lind an der haut vñ stett vñ vest an seinen
sachen. er ist nit vertragen vnd redt nit vil/ er ist nicht
schernig vnd mag wol vnkeüschē vñ begeret sein vil
wann er ist warm vñ feücht/ er würt gern wol gelect
vnd weiß vnd macht gar edle kīnd vnd mer sūn dem
töchter/ er bedarff wol güter hüt das er sich vil ser hütē
vor allē grobē dīngē/ vñ besund vor allē hitzigen vnd
feüchten dīngen.

¶ Von dem Melancolico.

In melancolicus ist ein mēsch geschaffē vōn
vier elementē do d' erdē natur mer ist/ vñ der
mensch ist kalt vnd trucken vñ würt geleicht
der erdē vñ dem herbst/ vnd ist die vnedlest cōplex Der
mensch der der selben cōplex ist der ist geren krank vnd
geytig/ traurig vnd aschenfar/ treg/ vngetrew/ vnstet
vertragen/ vnd hat allwegen einen pösen magen. vnd
ist vorcht sam. Er hat pöse begirde vnd hat erlich dīng
mit lieb. Er hat einen plöden sin vnd ist vnweyß. vnd

hat herzes fleysth/er trinkt vil vnd isset wenig . Er mag mit wol gehelsen . Im ist vil not dz er sich hüt vor allen speisen vn dinge die kalt vnd trucken seynd / Alle ding dye warmer vnd feuchter natur sind dye sind im gesund . als guter wein vnd gur gewürz .

¶ Von dem Colerico .

AIn Colericus ist ein mēsch geschaffē vō vier Elementē d̄ des feurs mer hat , vn̄ d̄ mensch ist heiß vn̄ truckē vō natur vnd würt geleychet dē feur vn̄ dē summer . vn̄ ist ein mittele cōplex mit zū vil edel/noch zū vil vnedel . Der mensch ist playcher varb vnd trinkt vil mer dān er ist . er ist kleyner gelyd vnd ist mager . vn̄ ist eines schnellen gr̄ymigen zorns der ist im sthier hin . er ist kün vnd schnell mit allē semē dingē . vn̄ redt gar vil vn̄ ist vnuorchtam . vn̄ hat vil hars vn̄ das ist herzt . vnd die ober teil seines leibs sind im grösser dān die vndern . Er ist milt zū erbern dingen vn̄ ist vnstet . Er begert vil zū helsen vnd mag wenig Im ist gar not das er sich hüt vor allē speysen dye hycig vnd trucken sind . So ist im gesunt alles das kalt vn̄ feucht ist .

¶ Von dem flegmatico .

AIn flegmaticus ist ein mēsch geschaffen von dē vier elementen do des wassers natur mer ist/vn̄ der mensch ist kalt vnd feucht vn̄ wirt geleychet dem wasser vnd dem winter . der mensch ist wasserfar . vnd hat vil fleysthes . vnd hat kleine gelende . vnd ist zornig/Er yst vil vn̄ trinkt auch wenig

er ist treg vñ schlaffet vil vñ hat waiches har vnd be-
geret nit vil zū vnkröschē vñ mag seim vil. Im ist gar
not das er sich hūte vor allen dinge die kalt vñ feucht
sind. Im seyn gesunt vñ nūtz alles dz haif ist vñ truckē
von natur.

C Das ander pūch sagt von
der ordnūg der gesuntheit.

A Vicenna d hoch meister beschreybt vns in dē
pūch vō der sach d gesuntheit vñ der krank-
heit vñ des todes vnd spricht. dz die leichnā
d mēsthē zweier hād schedē vñ dtenig seyn. vñ d schedē
iegliches hat seim vrsprung ett wē inwēdig / als so die
natürlich feuchtkēyt der vier element da wir von ge-
schaffen sind faul würt in den menschen vnd überflū-
ig. das ist so der feuchtkēyt vñ des plūtes zū vil wir-
det. da enpfacht der mensch ettwen vnd dick tōtlichen
schaden dauon. **C** Die ander sach ist / so der natürlich =
en feuchtkēyt die vier element von den der mensch ge-
schaffen ist zū wenig ist. do auch solcher grosser schad
vō kōmt / vñ das kōmt vō überiger hiez vnd keltē der
leber vnd des magens / vnd von vngeordnetem leben
mit vnmesstikēyt essens vnd trinkens / Vnd darumb
ist not das der mensch der gesund wil kumen zū dē ende
des sterbens das vns allen vngot aufgesetzt ist ordē-
lich sich halte mit essen vnd mit trinkē / mit padē / mit
aderlassen vnd andern dingen / vō den heznachgeschri-
ben steet das sy ordenlichen vnd natürlichen zū rechten

zeytē geschehen so behaltē sy sich gesund. Wer aber d
selbē dīng vnordelichē vñ zū vnzeyten geprauchet der
mūß von not wegen krank vñ süchtig werde. Vñ dē
dīngē allē steet hernach geschribē. ¶ Item zū dē erstē
vñdest du geschribē wie sich der mēsch vor dem essen
halten sülle. ¶ Item darnach von dem schlaff wie sēnt
der mēsch geprauchē sol. ¶ Item darnach vñ dē padē
¶ Item vñ dē aderlassen zū welcher zeyt vñ zū welch
er stund/ vñ zū welcher ader einem yeglichen mensche
für ein yegliches siechē gesunt sey zū lassen.
¶ Item von dem wüllen/prechē oder vñdeüen wenn
es gesunt oder schad sey.

¶ Dz Capitel sagt wie man sich vor dē esse haltē sol.

Du solt wissen zū dem ersten daz der magē in
dē menschen ist recht als ein hafē bey einem
feür. So ist dī ye leber als das feür bey einem
hafē. So man die kost wil sieden so mūß man dz feür
vor anzünden. Also in der geleychnuß sol auch d mē-
sch ee dz er zū dē tisch sigt die natur anzündē vñ sich be-
wegē vñ ein weil hin vñ her spaciern od sunst mit eier
messigen arbeit sich üben piß er wol er warmet vñ rot
würt vnder dē antlicz damit würt er kuckē vñ enzün =
det die naturlich werme vñ d magē würt begirig vñ d
lustig vñ die speiß bekōmt darnach dē mēsthē wol nach
dem essen sol der mēsch mit arbejten noch ser schlaffen